ANTONIO NITTI DI VITO

LIRICHE DIALETTALI BARESI

SECONDA EDIZIONE

45079




BARI
GIUS. LATERZA & FIGLI
TIPOGRAFI-EDITORI-LIBRAI
1928

CON RISERVA DI DIRITTI

A MIO FRATELLO NICOLA MORTO PER LA PATRIA









E VINGE TU!...

Ce sacce come sì: non sì singere, e manghe me sa disce na bescì; me fàsce mo na rise e mo na cere, mo chiange e mo te mitte 'nnallegrì.

Me disce ca pe mè te strusce e muere, ma sembe tu me fasce ndespettì; appriesse a tè se gote e se despere, me pare de cambà e de merì.

Apprime me maldratte e me strapazze, pò, doppe, appizze u musse de cerase e curre a ngatenarme ndra le vrazze.

E probbie acquanne digghe ca mà chiù te vogghie, pe despiette, dà nu vase, ji te ne doche mille, e... vinge tu!

U BENE TU!

Ce pe na volda tante te mettesse de fueche quatte vase appassionate dà, sop'a chedda facce, me sendesse chemborme a nu regnande ammiddïate.

Ce sule pe nu picche te tenesse strengiute mbacc'au core arrechenate, pe quante è vere Di ca mbrime desse la gevendute, u bene e la sandate.

Cambanne appriesse a tè me senghe forte de vive ndra le pene de la vite, pengiute e mezzequate da la sorte.

Che tè la vite è bedde, è bedde tutte, e nudde, probbie nudde, me schembite, ma senze u bene tu la vite è brutte.

VASE SINGERE

Non zacce quanta vase te sò date e chidde ca me dieste no le sacce; dò cose mà u core s'ha scherdate: la vocche de cerase e chedda facce.

Che tutte ca me lasse e me descacce, la vocche, chedda vocche c'ha vasate senza mesure e senza nu rembacce, la tenghe angore mmocche appezzecate.

E ji te doche angore mille vase: e mmocche ji me senghe de vasà, musse de fueche e vocche de cerase.

U tiembe no me cange e no me venge; la vocca to non pozze nò, scherdà, percè ji te vasabbe senza fenge.

E DIERME ANGORE

Decieste ca ternanne primavere u core tu s'apreve au sendemente; decieste, e me crenziebbe c'addavere scegghiave u bene com'a la semente.

Penzanne ca me fuesse tu sengere, chendabbe l'ore, u punte e u memente, ndramendre de delure e male cere ji me pasceve u core straduente.

Ma tu, cherodda mè, non zi scegghiate: tu no me disce nudde; e cudde core u vierne t'av'accise o t'ha chietrate.

Decieste ca scegghiave c'u fiore u bene ca tenieve acchiatate, ma cudde è muerte ndutte o dorme angore.

MALANGHENÌ

Uardanne mmenz'au mare granne e gnore na varche senza vele e senza uite, non ziente tu na pene e nu delore, non ziente tu na dogghie ca t'accite?

Chemborme a chedda varche cusse core camine mmenz'au mare de la vite; sbattute, senza vele d'u amore, da tutte abbandenate, se schembite.

Ma tu, ma tu ca puete, deh, nge mitte na vele totta verde au viente aperte, na vele ca la spenge sembe dritte.

E tanne pò, scherdanne le delure, la vita mè c'ha sciute sembe sperte, s'addrizze a poppa vì e va secure!

PREGHIERE

Segnore Di, t'adore e te rengrazie pe quanta cose bedde Tu facieste: p'u ciele ca de stedde chembennieste, p'u mare ca se stenne senza spazzie.

P'u sole ca de lusce mà jè sazie, pe l'acque, pe la neve e le tembieste, pe l'arue, pe le chiande ca ne dieste, Segnore Di, t'adore e te rengrazie.

T'adore percè Tu, pe cusse core, mannaste la chembagne sesperate c'u cuerpe nziste e chi chidd'ecchie gnore.

T'adore, sl, percè me la mannaste; ma tutte core, nderre angenecchiate, · t'adore assà percè me la levaste.

MA DIMME...

Ma dimme, percè tiene l'ecchie gnore tu jind'all'ecchie mi semb'affissate? Ce m'acchiamiende a fà, v'acchianne u core? ji non t'u pozze dà: t'u si pegghiate!

Cudd'ecchie tu ca passe jind'e fore, ca tutte vete che n'acchiamendate, potesse mà ca non ha viste angore ca cusse core mì te so ndenate?

Ce josce ji non tenghe ce te dà, ce tutte mo, te si pegghiate tu, percè sta pierd'u tiembe a chiamendà?

Abbàssce tu chidd'ecchie appassionate: u core mbiette non u tenghe chiù, ji non t'u pozze dà: t'u si pegghiate!

NGRATE!

Te si pegghiate tutte a june a june le megghie cose mè: la gelosi, le larme, u bene, tutte, e mo me dune nu sacche de martirie au core mì!

Percè, percè, mo, dimme, m'abbandune tu, sole e sckenzūate adacchesì? percè me lasse come a cì nesciune sespire o chiante amare arrechegghi?

De tante cose bedde tu si fatte chemborme che la polve fâsce u viente ca prime la recogghie e pò la sbatte

lendane; me strazzaste u core mbiette, te diebbe le delure e le chendiente, e mo, pe nu scrapicce, tu le sciette!

NDELLIRIE

Ce me deciesse a mè: và rrubbe a Criste. ji non decesse no, ji mbrime scesse; sbannite, desartore e carna triste pe tè, pe l'ecchie tu ji me facesse.

Pe mè tu sole, sole tu asiste; p'amore tu chiss'ecchie me vennesse: p'u cuerpe tu ca tiene ardite e nziste, a gocce a gocce u ssanghe mì te desse.

Te vogghie bene assà: mo nu ndellirie me tene ngatenate e me maldratte, e pure me pïasce stu martirie.

È nu martirie dolge percè serve a ngatenarme a tè ca me si fatte chiss'ecchie chiange e cusse core ferve.

RETRATTE

La faccia tonna tonne pare fatte chemborme a nu chetugne, a na meledde: e pare chengrëate d'antrasatte c'u Sole e c'u chiarore de na stedde.

Le mane tene bianghe chiù d'u llatte, e come a la vammasce tene u quedde: u cuerpe nziste, fine e berefatte è cuerpe de sirène, tand'è bedde!

E tene nu mendrone de capidde, na vocca melarose e peccenonne, e l'ecchie donne lusce de fascidde

a chedda faccia d'angiue e de Madonne. Camine, de sprefume arrevegghiate, chemborme a na reggine acchiamendate.

MALDETTE

Se disce: « la fertune jè cecate », e ji so frate giuste a la fertune; t'acchiabbe mbacce d'acque, e de beccune amare u core mì s'av'abbegnate!

Gnersi, me pozze disce affertenate p'u bene ca me fasce e ca me dune; e come, a no me disce mà nesciune chemborme tu si fatte e chengegnate?

La facce tiene bedde, ma u core, Gessù de la dellibbre, quant'è brutte; pe chessa vite, sì nu quaddre gnore.

Pe l'ecchie tù chiss'ecchie me cecabbe, e mo me stoch'a passee de rebbutte: maldette chedda dì ca te uardabbe!

NOTTE DE LUNE

Notte de luna chiene: da pe tutte chiarore, lusce, e pâsce d'armenì: repose e chiate: regghie e bene rutte d'au cante de nu core mpecondrì.

Notte de luna chiene; addore annutte ndramenze a cante dolge e zembeni: sellieve de nu core ca restrutte sta spette a jore a jore de meri.

Notte de lune fatte pe ce vole trascorre a la nature e chembortarse, notte ca cante senza la parole.

Notte de luna fatte pe l'amante ca vonne au râsce fridde pe vasarse, notte ca cerche e ca nge mbite au chiante.

FRONZA DE RUTE

Ī

Vestute a marenare si n'è sciute u bene mi: la uerre è sciute a fa; mo mbrime mbrime fauue reternà, fronza de ruta mè, fronza de rute.

Da quanne u bene mi se n'ha partute, ji stoche sola sole a spasemà.

Alena alena, tu u ad'a salvà, fronza de ruta mè, fronza de rute.

A sì e lì: la vocche me vasò: me disse ca ternave mbrime ndrete, me dette n'alde vase e m'allassò.

Anema mi, acquanne had'a meni? ci ademerisce angore hav'a seccete ca prime de vederte agghia meri.

 Π

U si e là: p'u mare s'ha perdute u ninne mi: ji stoche a spasemà. E mo, e mo, ci vene a dellebrà da chessa spine u core mi pengiute?

Sespire mì d'au core mì assute, a jidde, au bene mì, mo sciate a cchià decite ca me stoche a gnetecà, sespire mì c'u chiante mì cresciute.

A sì e li: la vocche me vasaste; dicieste a me ca mbrime reternave, me dieste n'alde vase e me lassaste.

E te ne scieste e chiù non zi menute! E pure me credeve c'au salvave, fronza de ruta mè, fronza de rute.

MASCE

Nzertate d'erva verde e de f'ure, retorne, doppe n'anne, u bedde Masce, ca mmenze a l'aria fresche e la vammasce sta penze a navecarse e ndra l'addure.

Mo scorde, ci le tene, le delure uardanne u ciele chiare e chessa pasce: eppure, de stu bene e de sti rasce, nu core nzanguenate non ze cure.

La terre s'acchemmogghie de nu mante; u ciele, la nature, tutte rite, alleggre u napparule zombe e cante,

ma chiange cudde core e se schembite: ndramenze a tanta bene, a tant'addore, è nate Masce, ma jè muerte amore!

ALBA VARESE

Spengiute da la lusce, ascenne abbàssce la negghia de la notte, e, fatte acquagghie, s'abbogge sop'a l'erva jarse. Nàssce u sole, ca da mennz'a le ramagghie

chiove na polva d'ore. Na bardàssce mascèsce; u ciele a peggre è tutte scagghie d'ore e fueche: le crape vonne a pàssce. C'u vumere, pezzute e forte, tagghie

la terra mbosse n'arate. Camine n'ariedda frescke, tutte le fïure smevenne e mbalzamanne la matine

ca nassce e cressce. Arrive da lendane, pertanne nu salute e la nature, u cante d'u chezzale e d'u alane.

A LA NEVE

O neve, tu ca viene da lendane e nderre penne penne te ne cate, dimmiue, sì na vocca annammerate ca vase n'alda vocche chiane chiane?

Ma dimme, si nu tecque de cambane c'arrive jind'a nu vusche addelenguate? Si vosce de nu core squartiate, sì grite de ce soffre e cerche pane?

Da drete au viddre bianghe ca sta cchiange nu chiante ca non è de core amare, te veche de cadè e t'addemanghe.

E tu ca nge stà dune stu biangore, respunne, meh! respunne, neva care, addove regne u ffridde, regne amore?...

A TE

Jè giuste ca te cante stu senette la vocche ca tu tiene e la facciodde, u pete peccenunne e la manodde, je giuste ca te cante stu senette!

Allasse ca te disce, deh, cherodde, c'au core ca tu tiene u mmele scette, c'au vole, ca u cerche e c'au aspette ce soffre che nu core tutte mbodde.

Allasse ca te disce ca sì nate d'au Sole e da na stedde mbaravise, ca sì chiù ricche e bedde de na fate.

La sorte ca te rite e ca t'aspette, ca vole a tè reggine ndrone assise, allasse ca te cante stu senette.

PE ME SI MORTE!

Ce me ne mborte a mè ci me ne mborte ca sieffre pene amare e ca te lagne? Ce me ne mborte a mè ci mo la sorte che mille pengeture te sta nzagne?

Non zi chiangenne chiù p'avè chemborte; jè megghie ca le larme te sparagne; jì non te senghe nò, pe mè sì morte, ndra tutte e dù s'ha queste na mendagne.

U zite t'ha lassate? Non penzanne; amminde a n'alde amore, e ci te vene, allasse pure cudde; amafauanne

tu me lassaste a mè, e mo lassate sì state pure tu: chess'è la pene pe tè ca fuest'amate e fueste ngrate!

AMORE ... AMORE!

Amore, amore, amore semme vogghie, amore ca me vete e non me cure; amore da pe tutte, amore e dogghie, amore de sellieve e de pendure.

Amore, voche acchianne, c'acchemmogghie le chiache de stu core fatte scure, ca tene acchiesciute e c'arrecogghie le pene de la vite e le delure.

Amore, nzecta d'acqua voch'acchianne, amore ca chemborte e ca termente, amore, amore ji voche sfilamanne.

Amore c'acchemmenze che nu cante, amore voch'acchianne ca non zente, amore ca fernessee che nu chiante!

MONECHE

È vere mo chess'alda novetà?
è vere ca de gote t'ha stangate,
ca cusse munne allegre si lassate
pe scirte jind'au chemmente a chenzagrà?

Sì state pe tand'anne a spabbrescià cambanne de piacere e de peccate, sì date vase a muzze e sì ngannate, e mo tu pure a tè mo uè ngannà.

Che l'arie de ce vole dà n'addi au munne, che na facce de nocende, tessenne angore u nganne e la besci,

mo passe d'au peccate au sendemente e curre a gemendà tu pure a Dì, pezzinghe jind'a la pâsce d'u chemmente.

LA STATE SE N'HA SCIUTE...

La state se n'ha sciute: addì mio bene; addì staggiona bedde, addì chelure: addì tu mare chiare, addì, mo vene u vierne che la neve e le delure!...

Addi de ciente vusce bedde sene: addi bedd'erva verde, addi nature; addi scernate longhe e senza pene, addi addi calore, addi flure!

Addi bedd'albe dolge e tutte fueche; addi bedd'albe chiare acchiamendate c'u pjette chine d'arie mmenz'au leche.

Addi, addi nettate senza nganne, addi trascurse fatte chessa state all'ombre de la lune spasseggianne!... II.





A LA MAMME

O Mamma benedette ca me vase acquanne stoch'a dorme facce a uere, tu, sop'a cusse core, nqualche sere, abbuegge tu la santa mana to!

Abbuegge tu la mane e siente buene ce pure cusse core jind'au senne, se move pe tè sole trascherrenne, ce pure, Mamma sante, penz'a te!

Percè, percè velesse, Mamma bone, ca u core, ca termente e ca chenzole, pe tè ca me facjeste, pe tè sole, sbattesse e se mevesse notte e di!...



U VASE

Succhie tire e succhie done, d'u amore u vase bedde ca tecquanne pedda pedde fasce u cuerpe arrezzecà.

Ndra le vase sta la strate ca ne porte au bene ardende, ndra le vase u core sende forze e guste de cambà.

Quant'è dolge a sende u schatte de dò vocche totte vrasce: quant'è dolge ndra la pasce vocc'a vocche appezzecà.

Ndra le vase sta la vite; ndra le vase sta la morte; tutte: pasce, bene, sorte, rise e larme u vase dà.

SCIUGNE

Ce ccalde, Madonne, ci brutte favugne: davere stu Sciugne ne vole abbrescià.

Non passe na nuvvue p'u ciele mbequate: u mare stracquate e sote se stà.

Non passe pe l'arie na bave de viente; la terre mo siente de jarde e bambà.

U sole chengosce lacerte e cecale; sta mmete u chezzale e sfoche a candà.

Madonne, ce ccalde, ce brutte favugne: davere stu Sciugne ne vole abbrescià.

LAMIENTE

Notte de stedde, notte de ngante, a te nu cante vogghie cantà.

Nu cante amare, fatte de larme, ca pe sfüarme te manghe a te.

Mbra chidde stedde, ndra l'armeni, u ninne mi dimme ce sta.

Parti na sere pe nu viagge, ma a chessa spiagge non reternò.

Notte de stedde: ecchie de fate, u ninne amate tiene che te?...

LA MATTE

Nge disse: « non penzanne, u bene è sembe bene: non te sì danne pene, ji ndrete agghj'a ternà a sesperà... ».

E se ne sci lendane lendane a fa la uerre, e sop'a n'alda terre u senn'aterne acchiò e non ternò!

Ma jedde aspette: aspette ca torne d'au nemiche, e la canzone andiche nge cante ca sendì quann'u vedì.

Jind'a la notta gnore passe la voscia lende, pe disce a ci la sende c'au bene av'à ternà a sesperà.

NOTTE DE VIERNE

Jind'a la notta gnore ca strenge u core, se sende da lendane sckamà nu cane.

Da sus'au ciele ascenne la neve a penne e veste de nu mante u Cambesante.

E passe nu lamiende, amare e liende, jind'a la notta gnore e se ne more...

LA CHIESIODDE

Perdute ndra l'ombre, ndra mille chelure, jè poste secure ca pâsce ne dà.

Nu Sante de pète da sop'a la porte, d'u tiembe e la sorte nge parle ca fu.

Non s'acchie chiù Crosce, non s'acchie cambane ca mbite lendane la gende a pregà,

ma l'erve de viende de verde la veste, la vase, la reste, la torne a vasà.

Cudd'âsce de fête ca tante chembite, mo serve de nite a quèrue e terli. lè come a n'avanze d'u tiembe passate, ca parle de chiate ca steve e no stà!

Passanne u chezzale si fasce la crosce; da jinde na vosce responne: — piatà!

AGUSTE

Aguste: na loggette addò la rambecante, ndra fierre e fierre, cante u cante verde sù.

Na gagge c'u verdone sta mbacce a nu pelastre; u sole ndra le lastre, se mire e lusce assà.

Na mane ca sgarrasse, na facce c'acchiamende, e doppe, lenda lende, sespire e se ne và.

Au spunde la fendane me pare ca la sende e chiange ternamende totte le pene sò.

A LA MORTE

Morta Morte, ci si mbame! no respiette la bellezze, tu non siente ci te chiame, tu non fasce agevelezze.

Sta ci soffre le termiente, sta ci gote e se deverte: ci sta ssoffre tu non ziente, ci sta gote tu te puerte.

Chessa vite è nu ciardine totta chiene de fiure: a le megghie t'avvecine de le brutte non te cure.

Giuste sembe e semb'euale, Morta mbame tu non zi: de cambà mo ci me vale, ce te tiene u bene mi?

ROSE

Le capidde a taccre a taccre gnore come a nu tezzone, che chidd'ecchie de carvone tutte fueche e simbati,

Rose, sembe, acquanne u Vrespe ngann'a mare chembareve, a u pesure s'assedeve de l'andica casa sò,

e facenne la pondine, o dò robbe arrepezzanne, respenneve a ci passanne le diceve lu buennì.

Mo è morte: l'av'accise ci nzagrete spasemave; nu uagnone ca l'amave diaterze l'accedì.

Chiù au queste d'u pesure stà na crosce pittiate, pe mestrà addò ngannate remanì la vita sò. Mo, de sere, u Vrespe è triste; manghe u Sole e Rose manghe, u pedone passe stanghe e non disce chiù buennì.

II PRIME AMORE

Come u sole nassce sembe, sembe torne u prime amore: ponge e rite, e tutte l'ore n'arrecorde vase e uà.

Quanne mbiette s'ha feccate, non abbende e non allasse, n'acchembagne passe passe, vene sembe appriesse a nù.

Quanne crite ca non tiene chiù na pene e nu delore, se ne vene u prim'amore nu passate a scarnescià.

Ci tu vase n'alda vocche, au despiette mbrime penze; dolge dolge trase mmenze, e te vene a schenzeuà.

Nald'amore vene e passe, ma non passe u prime bene; nand'all'ecchie sembe vene p'u termente e p'u ghedè.

FACCE DE SETA ROSSE

Facce de seta rosse addò la vocche pare nu spacche tanne apjerte d'addò a mè chembare nu dente berefatte chiù bianghe assà d'u llatte,

percè tu passe sembe amare e sckenzeuate? percè tu jind'a l'ecchie te puerte appizzicate dò larme grosse grosse facce de seta rosse? III.





LASSE E PIGGHIE

Ne sta fâsce mille e june; va scherrenne dò e dà, lasse e pigghie e non t'adune ca stu sceche è brutte assà.

Mbacce au fuse d'u amore, file josce e sfile crà; sì la mamme d'u delore, giure e niche, sì nu uà!

Uarde, rite, angaramisce, mitte u core 'ngrengefisse, vase e punge, disce e sdisce, sì na stedde e sì n'abbisse.

Mo me lasse e mo me vrame, mo carizze e mo strapazze, mo me cacce e mo me chiame, mo me nganne e mo m'abbrazze.

Josce passe totta lusce, n'ombra gnore crà deviende; chiange e rite, squerde e fusce, termendisce e t'attermiende. Lasse e pigghie. Leva leve com'a l'ape va vuanne, mo t'aggiuste n'àsce neve mo n'ald'àsce va vramanne.

Ci non venghe, tu me chiame; ci te vogghie, tu non viene; m'abbandune, me rechiame m'accarizze e te sestiene.

Lasse e pigghie, pierde e vinge, jarde, sieffre, pienze e vrame, nganne, rite, lasse e stringe, sì na fata e sì na mbame!

BESCIARDE!

Che le mosse no me fulge, no m'acciaffe e no me vinge, chessa sorte no la tinge, no m'arrive a ciaramà.

Tu si bedde, sì gendile che la facce bianghe e rosse, ma le tò so falze mosse, tu si figghie a la bescì.

Tu sa fenge ce me vase; ci trascurre, tu sa fenge; ma la vocche no me venge, tu non vinge u core mi.

Manghe u chiante ca te fasce l'ecchie bedde russe russe, ca t'ascenne mbacce au musse, redeuesce e se ne va,

manghe cudde jè singere; tu pe forze u fàsce assì, pe me farme acchenzendi, pe te farte accarezzà. Si besciarde; non facenne tanta mosse e tanta storie: certe trate de memorie tu che mè non l'ha da fà.

MBACCE AU FUECHE

Na sere sus'a caste ji saliebbe, e mbacce au ffueche assise te vediebbe.

La facce, ngaldesciute d'au calore, pareve ca decesse: vogghie amore!

D'au ffueche ngaldesciute, fueche jere, e ji te diebbe u core e le penziere;

apprjesse a tè gerabbe u tern'amore ndramendre tremeuave cusse core!

Appriesse au ffueche u core tremeuave, au ffueche ca chesceve e c'abbresciave!

Non zacce quanta cose te deciebbe: le vase ca me dieste non zendiebbe.

U ffueche chiane chiane se stetò, ma mbiette n'alde fueche s'appecciò!

LE FIURE

Stu Masce ngandate jè tutte n'addore ca mbite au amore ca mbite a cantà.

Cherrime au ciardine, meschamece a l'erve a chiange ce sserve ci Masce stà ddò?

Chegghjime la mende: le rose chegghjime: flure nu sime c'amore scegghiò.

E pienze ca nasce p'u bene u fiore: e pienze ca more vasate da nù!

CATENE

Ca tu mo disce e fasce, da mè non puete sfusce; jà vogghie a fa u rusce jà vogghie a frennequà.

Mangh'j, mangh'j da te me pozze spezzeccà: te vogghie bene assà e tu uè bene a me.

Non zacce quanta volde si fatte la menazze de sceratinne, e mbrazze tu si cadute a me.

Pezzinghe u uore ndrete na volde me mannaste, ma doppe reternaste arrete au core mi!

Na volde me ne sciebbe lendane pe scherdarte, merenne de vasarte ternabbe arrete a te. Le lite noste sò chemborme a la tembeste ca vene lesta leste, trevugghie e se ne va.

Tenime na catene, ca strenge a tutte e dù, ca no nzallende chiù, ca non se spezze mà!

LA ZENGRE

Che l'ecchie de vrâsce d'au sole abbresciate, ardite e sfacciate na zengre menì.

" A tè la vendure te vogghie mo disce: ce tiene nemisce, te digghe ce so."

Vattinne, deciebbe, vattinne, non crete; u uecchie non vete nu core a penà.

« La mane — me disse — mo, damme la mane: d'u bene lendane te pozze parlà. »

Nge diebbe la mane, e jedde angarrò; d'u bene parlò ca soffre pe me.

Decjebbe: ma dimme, tu quante si ditte, davere sta scritte dò sope... meh, dì!

Me disse: « gnernò: ji l'ecchie lescjebbe e mbrime vedjebbe c'a jarde tu stà.»

CORE D'AMANTE

MATETINE

Ha rotte l'albe: u bene non se vete: addò se n'ave sciute stu galiote? addò se n'ave sciute, non u ccrete ca senz'u core sù non pozze stà!

MENZADÌ

Menzadi! Padre Figghie e Spirde Sante! me senghe ind'a le vene nu fequore: percè ademerèsce tanta tante? percè me fasce sole smanïà?

VRESPE

E sime a Vrespe: mo se ne vene u bbo! addò addò sì state tanta tiembe? so state a sesperarte fing'a mò, e tu sì state tante pe menì!

Sere

La notte ascenne: u bene si n'è sciute; m'ha date tanta vase, tanta vase, ca u core fine mmocche m'av'agnute. Dò jore!... santa vosce... ha ditte: crà!...

U NOME

All'ombre d'u core ca vrame la chiate, nu nome affatate so sciute a chiandà.

Da pene e periggue, da male e da nziddie da tutte le mmiddie u stoche a uardà.

Stu nome jè vite, jè stedde ca uarde, jè fueche ca jarde, jè tutte pe me.

U core e stu nome mo stonne chesute: lendane e spartute non podene stà.

Mo stonne cendrate d'au stesse destine; la rose e la spine le puete schecchià?

CANTATA MALANDRINE

Te si retrate ndutte? e me, non basce nudde! Te si capate a cudde e... chesse non me va!

Velieve abbandenarme, e steve bene fatte; pe farme nu maldratte, velieve tu scerà,

ji non parlave, no; ma quanne a cudde ranghe tu mi si queste, u ssanghe me senghe de vegghià.

A tutte aviev'a dà u core ngannatore; ma a cudde tradetore, tu no u aviev'a dà!

Pe chesse sott'a caste tutte taddute e teste, uardanne a la feneste, mo sembe agghia passi. E pò, da mbond'au spunde, de sere o de matine, u vecchie serdelline mo sembe t'agghia fà.

Na volde, dò e tre u zite tu valende, potesse ca me sende e vene sop'a me.

E ci te vole bene, ce tene core mbiette, menesse piette a piette a dirue mbacce a me.

FALZE!

Tu sembe m'addemanne ci ji te vogghie bene; penzuse e sesperanne ji te responghe: — Si!

Ma mbrime u core mbiette me disce: tu sì mbame: percè, percè azziette ce ji te digghe: — No?

Debb'esse nu destine: ma certe jè ca u core au core tu vecine non zape spasemà.

Sì bona e berafatte chemborme a na Madonne, ma pure non me sbatte u core apprjesse a tè.

Achiugghe spisse spisse chiss'ecchie pe vederte perdute jind'a n'abbisse pe te petè salvà, ma nudde, probbie nudde me senghe jind'au core nemmanghe nu repudde d'amore o gilosì.

Pe chesse u core mbiette me disce: tu sì mbame, percè percè azziette ci ji te digghe: — No?

TUTTE CANGE!

C'è seccjesse, Filomene, te sì fatte mazza mazze; c'è seccjesse, ngualche pene t'attermente u core tu?

Stieve com'a nu palumme, rosse com'a na cerase: mo, ce sacce, pur'u ciumme veche nassce drete a te!

T'honne fatte la mascine, o t'avonne ammiddiate? percè quanne mo camine na sciangate pare tu?

Ijre mbame! cammenave totta chiene de seperve, non zentieve e no uardave ci uardave mbacce a te.

Tiemba prima te tenieve; mo non acchie nu mesquone ca te uarde e nu sellieve te ndonèsce au core tu!

U NITE

Spengiute d'au ffridde, a frotte l'alane, da terre lendane, arrivene a nù.

E l'arrue frenzute, ndorate d'au rasce d'u sole, mo n'àsce nge penzene a dà.

E menz'a le fronze criate na case, de darse le vase le puete sendi.

Ndramenze a sta feste, ndramenze a sta vite, tu sole nu nite non pienze de fa.

Nu nite de chiate, nu nite de regghie mbra tutte sti scegghie, scegghiate pe nù.

STANGHEZZE

A vaste, vattinne, percè m'attermiente? vattinne, non ziente ca stoche a meri?

Avuste, non danne martirie a stu core: respiette ci more ngannate da te.

Pe farte patrone d'u core, t'amabbe: ma mbesce sgarrabbe e stoche a schendà.

Na mbame si state: si state crodele nu core fedele si fatte puri.

Sì come a la nuvvue ca fusce pe l'arie; p'amarte, u calvarie saliebbe pe te.

Avaste, vattinne, sì core de cane: lendane lendane vattinne da me.

PETTAGARE

Pettagare, pettagare, tu si bone e genïose; jecchie gnore, faccia chiare, tu davere si na cose

ca non z'acchie a tutte vanne. Quante gente vene e và, t'acchiamende e sesperanne disce: è vere... è bone assà.

Pur'j venghe pe uardarte, pe vederte acquanne rite, quanne vinne, quanne ngarte, quanne uarde, ma non vite

ce te uarde. Si cherodde pettagare faccerezze: jind'a chedda pettejodde chiù relusce la bellezze.

Jind'a chedda pettejodde peccenonna peccenonne, percè quanne no sta fodde no scequame a sconn'a sconne? Viene viene! — tu diciesse —, senza mene ji t'acchiasse; tu, chendende, me strengiesse ndra le vrazze e me vasasse.

Ma tu mbesce pettagare faccerezze e geniose, tiene u bene e sì serare, tu si bone e despettose.

VASE PASSATE

T'arrequerde Matalene tutte l'ore e le memjente ca passamme nù chendiente ndra la scioggue e l'allegrl?

State e vjerne sembe nzjeme cora a core n'am'amate; mbacce a u sole sime state mmenz'au leche a spabbresciù.

Mmenz'au grane gialle gialle sckattarule tu parieve; ji meneve e tu me dieve certe vase dolge assà.

A la colte de le nusce, che le mane gnore gnore, le carizze a core a core ne facemme tutt'e dù.

Quanta cose te deceve sop'a l'ĉre jind'a lugghie; le parole e la fanugghie stev'u viente pe pertà. T'arrequerde acquanne u musse ca vasasse non velieve ma delente tu me dieve chedda vocche pe vasà?

Matalene, chedda vocche te la vase mo n'aldune; ma ji sacce ca t'adune ca non zò le vase mi!...

ABBANDENATE

O gocce vol'avè
ce m'ha velute u male;
o pozze scala scale
na sere reddëuà!

E come, tanta mmiddie camine terra terre? e come, tanta uerre asiste nderre ddò?

Percè la genda mbame mo s'ha pigghiate u quite d'ammiddïarme u zite ca jere u core mì?

M'avonne ditte pure ca sembe gote e rite, ca tene n'alda zite, ca iosce hav'a scerà.

Allore mo jè certe ca m'ave abbandenate; allore m'ha lassate e non retorne chiù! Delore de Mari, ce jere berefatte; Madonne ji escke matte, Madonne addove sta?

O gocce vol'avè ce m'ha velute u male; o pozze scala scale na sere reddëuà.

TANTAZIONE

Strengiute, ngatenate appriesse a te, u core mi se cambe de velene: velesse ji spezzarle sta catene ca je pesande e me pïasce assà.

Sì brutte, senza core, eppure eppure de tè non pozze fa, no, ndutte a mene: u vierne triste passe e se ne vene la state, ma ji stoche apprjesse a te.

Oh, digghie avè la sorte de le brutte! è vere, sì, jè vere stu metette; malditte, sì, malditte ci me dette u core ca ndenabbe sule a te.

Non è c'abbandenarte non te pozze, lassarte non te vogghie, chesse è tutte: me cambe de maldratte e de rebbutte ma, com'o peccatore, appriesse a te!

E TORN'A MENT

Nu tezzue. È menzannotte. — Ci me vole?

— Amore ca retorne o jazze andiche:
sgarrasse la feneste quante diche
d'amore na parole e nudde chiù.

- Vattinne: me lassaste jind'au core nu sulche ca sta scette sanghe e larme; vattinne: percè viene a schenzeuarme acquanne ji me steve a ricchià?
- Assà tu, ben'ardente, si dermute, e non è giuste ca tu dierm'angore; ji venghe da lendane e cudde core te venghe, ben'andiche, a descetà.

Ma... jabbre e m'acchiamiende, ca non chiù la carna bedde iacchie c'acchemmogghie u cuerpe malerate, ma na spogghie ca tene nu sespire pe cambà!

- E viene! tu lendane, me crediebbe perdute ternamente e me lassabbe merì a jonze a jonze e non penzabbe ca u prime amore non se scorde mà.

SO PENZATE A TE

Acquanne, mbene alzate a la matine, n'addore so sendute de basiglie, de menda majrane e gilzimmine, ji so penzate a te.

Acquanne, assise sop'a nu pesure, u sole so vedute de spendà, acquanne u ciele ha devendate scure, ji so penzate a te.

Acquanne la palomme, accarezzanne de scl so viste l'erve e le fiure, c'u core sesperuse e tremeuanne ji so penzate a te.

Acquanne notta tiembe so sendute de rusce da la porte u viente mbame, le pene ca tu sieffre so seffrute, ji so penzate a te.

Acquanne mmenz'au leche da lendane, chemborme a nu sessurre so sendute na vosce sante e sagre de cambane, ji so penzate a te. A te ca sieffre e chiange, a te ca chiange e sieffre, a te ji so penzate, ji so penzate a te!

CRIEPE!

Me sa disce pe ce cose te sta lave tu de vocche? Dimme, fuesse tu gelose de chess'alda zita mè?

Ji te sacce; sì tracchiere core falze e falze mosse: tu sì mbame e pettuere, malalengue e nudde chiù.

Lùsce falze jè ca tiene jind'a l'ecchie affunne affunne; che le nganne te sestiene, ma non puete acceramà.

Maguera maguere, me facieste u tira a tire, ji penzabbe ca davere me veliesse bene a me.

M'acciaffaste pe ndenarme pen'amare e dogghie fredde, pe m'accite, pe dannarme, pe scrapicce e nudde chiù. D'u passate mo, pendite, scecche a mare tutte cose; m'agghie acchiate n'alda zite ca de tè jè megghie assà.

La uagnedde aggrazzïate la canusce, è Filomene la chembagne a tè fedate ca le fave ha fatte a te.

VRESPE

U ciele se tenge de mille chelure; u chiare e u scure se stonne a mesckà.

Chemborme a nu core amare e schendente u sole a penente chemmenz'a scherà.

« Pregate, pregate! » nge disce nu sene ca pare mo vene pe fange seffri.

Ndramenze a le fronze l'aceddre vüanne, zembanne e gredanne se vonne a chelquà.

Na pasce, na chiate pe tutte se sente: tu sole schendente me pare ca sta. Ma lasse la pene e ascinne dò fore; u sole ca more te vole vasà.

L'OBBRE

Ci te uè devertì, va tu stasere all'obbre; ce vite, dà se scobbre nu fatte bedde assà.

Na zite c'ha scerate, s'ha queste che n'aldune; u zite se n'adune e fenge de gnerà.

Me sbieghe? la tracchiere dù zite tene mmane, e ndante, chiane chiane, le scioche a tutte e dù.

U belle mo seccete acquanne u prime zite c'u ualte se chembite e nzieme vonn'acchià

la strada chiù adatte, l'omenze pe puni la mbame ca faci le fave a tutte e dù. Acsì na sere, mendre u prime zite parle, u ualde pe parlarle s'afferme nuande dà.

Com'a caldara nove se fasce la sfacciate e totta destrebbate se mette a tremeuà,

penzanne ca pe jedde, pe l'ecchie bedde sù, de botte chidde e dù s'avvonn' a maceddà.

Ma chidde senza mene, mettennese a bracciere, redenne, nu becchiere, se vonne a sdevacà.

La zite de la storie ca t'agghie mò chendate, la brutta sbrevegnate u sà, sì probbie tu.

Mo puete fà de mene de sci stasere all'obbre, tu sa ca dà se scobbre la stessa storia to.

VIECCHIE!

La strene? Tu ce disce? Acquanne se n'è sciute la bedda gevendute, ce strene t'agghia dà?

Tand'anne ndrete, acquanne u ssanghe me vegghiave, pe strene te ndenave u stesse sanghe mì.

Ma mo s'ha sfreddesciute u ssanghe jind'a le vène; mo, chessa vita, è chiene de pene e de lità.

Tenime mo nu sule requerde d'u passate, nu vase schengegnate na larme e... nudde chiù.

Mo sime fatte viecchie; u ssanghe chiù non ferve; la strene mo ci serve, ci cose vene a fa? Acquanne manghe u mmegghie, a vive no ngè guste, te vene tutte nzuste, e tutte uè lassà.

Ci stritte a core a core la morte ne pegghiasse, e nzieme ne pertasse a gote o a seffri,

retiene ca na strene chiù megghie non ge stesse; te pare? Che sti svesse nù ci cambame a fa?

U VIENTE

Ce viente, ce viente c'ammene stanotte, se sendene a frotte le vusce a passà.

Nu picche se jalze: nu picche s'abbassce; non zacce addò nassce, non zacce addò và.

Jè chiante, jè rise la vosce d'u viente? potesse lamiente mannate da tè?

U ruffe ca nassce, ca volde e ca gire, potesse sespire sfesciute da te?

Spengiute da u viente me manne le vase? u viente ca trase, trascorre de te? Velesse stu viente ca passe fescenne, ca passe ngherrenne ji mbrime acciaffà!

SALVAGGE

So ditte, so chiangiute, ma tu non m'ha uardate: da nanze sì passate tu senz'acchiamendà.

E pure non zapeve ca jind'a cudde piette teniesse le despiette stepate tu pe me:

velesse ji scanzarte c'u core e che la mente, ma sembe, ogne memente, te veche apprjesse a me.

SI tal'e quale a l'arie ca s'acchie a tutte vanne; tu passe aggemendanne, tu rite pe dannà.

Non zacce a ce si figghie: pe me sì nu destine, ca vene, ca camine, ca corre apprjesse a mè. Non ziente la piatà; amore tu non ziente, pendure e trademiente va semenanne tu.

SI come au schattarule, ca lusce e non addore, tu non canusce amore, tu lusce senz'ardè:

Ma sule pe na volde dimmille na parole: u core è ca la vole, u core strutte mì.

GILOSÌ

Acquanne fasce notte me senghe mmenz'au piette, na pene, nu despiette penzanne au bene tu.

U sacce: me uè bene: ma dimme, jind'au senne, percè au core ascenne na brutta pecondrì?

All'ecchie mi velesse ca fuesse tu na fate: pe l'alte, ammagagnate e brutte ha d'a parè.

Acquanne tu camine tu pare troppa bedde: ma... chedda vesta nguedde non la mettenne chiù.

Pertave chedda veste acquanne te vediebbe; acquanne me sendiebbe na pengetura dò... Acquanne stamatine sl sciute a Madre Chiesie, u figghie de mb'Alessie te steve a chiamendà!...

U VECCHIE AMORE

Doppe n'anne de n'amore vere e sante... m'allassò e stu core, p'u delore, giuste a mienze me tagghiò.

Nu pegnale menz'au piette de feccange ji penzabbe; ma delende me pendiebbe; jere bedde... la lassabbe!

Po se dette a n'ald'amante, Ma non fu amate ndutte; semb'amare e spasemante la vediebbe da pe tutte.

Dia terze la schrepiebbe nand'a jidde angenecchiate; mazza mazza la vediebbe totta brutte e malerate.

Nand'a chedda carna triste Matalena scapeddate me pareve sott'a Criste, che na facce de piatate! Nì piacere e nì delore a vederle ji sendiebbe; ma, penzanne au vecchie amore, lagremanne me ne sciebbe.

AMORE MÌ

Au core malate la chiate mangave; Amore vramave de notte e de di.

Menieste e levaste stu male nzettile chemborme a n'abbrile menieste pe mè.

Apprime la vite me jere de ndragge, me dieste u coragge, mo vogghie cambà.

Mo vogghie na case ndra jerve e ndra chiante, ndra sole e ndra cante c'u bene e che tè.

Mo vogghie scherdalle le pene passate; amanne e amate mo vogghie cambà.

Sì sole fequente, sì lusce d'amore, sì vere sbiandore, la vite sì tu.

VIENE!

« Aria gendile!

Abbrile ha reternate

ma jidde m'ha lassate
e no retorne chiù ».

Acsì cantaste acquanne lendane me ne sciebbe, acquanne non crediebbe au chiante amare tu!

Eppure, ce mi crite, ji sembe te penzave, de notte te chiamave vramanne de merì.

Mo, doppe tanta tiembe, arrete taggh'acchiate, ma tu te sì scherdate, ma tu non pienze a me.

Te sì scherdate, eppure u mì fu bene sante; fu rose ca nu chiante amare l'adacquò. Fu sule nu scrapicce c'au fésce sci lendane, mo ndrete, chiane chiane, retorne e vene a te.

Ce tu sapiesse u chiante chiangiute e quanta dogghie seffriebbe, aviesse a ccogghie u pendemente mì.

Aria gentile dingiuue au bene amate ca ji so reternate pe gote o pe meri!

VITA NOVE

Na vite stoch'a gote d'amore e chendandezze, de bene e de uascezze pe cusse amore tu.

Scherdanne le martirie seffierte e le segghiutte, te veche da pe tutte, te senghe appriesse a me.

Te senghe jind'au viente c'arrive e ca me sconze, te veche ce na fronze se secche e se ne va...

Acquanne arrive dolge na vosce e nu sessurre, me pare ca tu curre, ca fusce e... viene a me!...

Te cerche come cerche la terre u marnariedde, chemborme u renneniedde la rennenedda so. Te cerche come u mare la terre cerche e vrame; ji venghe e tu me chiame, pe gote e pe vasà.

Tu sì nu senne dolge sennate a jecchie apierte, tu nzieme accucchie e nzierte u bene e la piatà.

A LA FENDANE

Acquanne te ne viene candanne a la fendane che la zoledda mmane percè non pienze a me?

Percè non pienze au tiembe passate e ca non vene, acquanne dogghie e pene seffremme tutt'e dù?

Tu mbesce, senza mene, te mitte a jegne l'acque, e cante: « Alèna alène, p'u tropp'amà sò stracque ».

E cante e non t'adune ca jind'a la fendane, non viste da nesciune me ficche chiane chiane.

E jigne e t'arrequegghie le larme mè chiangiute; te pigghie a megghie a megghie, le pene mè seffrute. Apprime te pegghiaste la rise e l'allegrì, mo pure u chiante mì te viene a pigghià tu!...

CORE CHIETRATE

Arripe u sendemente pe quanne vene Lugghie, ca tanne, mmenz'au vugghie, petime nù parlà.

U vierne fridde fridde u core m'ha chietrate; aspiette ca la state m'u vene a caldüà.

Dò, jinde a cusse core, ardeve nu ceppone; candave, e la canzone meneve drette a te.

Tu mbèsce non sendieste la vosce de la sorte, e senze nu chemborte u ffueche se stetò.

Mo viene e te depiende decenne: « non zapeve »; aspiette ca la neve se squagghie mo pe te! Arripe le parole pe quanne vene Lugghie, ca tanne, mmenz'au vugghie, petime nù parlà.

U CANTE D'U PASTORE

Bedd'aria frescke e fine dammille na bavette: au bene ca m'aspette la vogghie mo ndenà.

Tu, Sole ardente e bedde ca cosce e jarde fasce, dammiuue tu nu rasce pe la cherodda me.

Arie de Masce damme le megghie addure tu: u cuerpe bedde su nge vogghie mbalzamà.

E tu zambogne u sene mo damme e na candate: au bene mi cendrate u vogghie fa sendì.

Fiure a mille a mille lassate u uasce ueste, au bene ml na veste cherrite a fange vu.

Tu iacque ca sta scurre, acquanne t'egne u bene, trascurre de le pene ca stonne mbiette a me.

SINGERITÀ

Sì ditte ca sò falze, ca non te sò fedele, ca sò che tè crodele, ca digghe le bescì.

Ma ci me jabbre u piette p'acchiamendarme u core, tu non parlasse angore, tu non serchiasse chiù.

U core è tutte rodde de rose e gilzimmine, e mmenz'a nu ciardine sta scritte u nome tu.

Ma tu non acchiamiende, tu sembe disce e sdisce, e ndante ndesequisce la gevenduta mè.

Ca ci - da longhe sì de mè te sì stangate, ci tu me sì stefate, ci tu me uè lassà, ji non te diche nudde; fa come megghie crite, non te pigghianne quite de chessa sorta mè.

Ji non te diche viene, ji non te diche và: ci tu me uè acchià me jacchie sembe ddò.

Fa tu, ma non decenne ca non te sò singere: u core se despere ci disce adacchesì.

SENZA CORE

Iere Vrespe. Strata strate lagremanne te parlave ma tu, totta desdegnate, manghe mbacce me uardave.

— « Pe ce cose, te deceve, me strapazze adacchesi? si de pete o si de neve ca non ziente u lagne mi?

Com'a cane de sè mise drete drete venghe a te; sì pe mè nu paravise, tu na sante sì pe me.

Ce chidd'ecchie acchiamendabbe cusse core u chemannò; non fuebbe ji ca te parlabbe, fu u core ca parlò ». —

Tu uardave u ciele bedde; ji uardave u cuerpe tu, adderave la mertedde, ma adderave tu de chiù. Ce na mane tu mettieve tanne sop'au core mì, nu tramote tu sendieve de pendure e malesì.

Ma tu, mbesce, non decieste nè buennì e nè buennanne, te veldaste e te ne scieste grannezzose a n'alda vanne.

A vederte acchesi brutte, pure u Sole s'affennì, e, scettanne nu segghiutte, jind'a mare s'aschennl

MORTE!

L'acchiabbe chiù bedde de n'alba spendate: nu scegghie scegghiate pareve pe me.

Au sule uardalle nu fueche sendiebbe: la fete le diebbe, l'amabbe, m'amò.

E quanne, a buen cunte, aviebbe la sorte d'averle, la morte la vense a pegghià.

Le vase, le nganne, le larme, u fequore, la vite, u amore... la morte trenguò.

Mo dorme a la neve, au Sole ca jarde, e sole la uarde la Crosce de Di. Ji voche a chiamarle, ma jedde me disce: u tiembe felisce è muerte pe nù!

CARMELA

Mo vene Masce: u vite tu come arrive bedde? Te mette pedda pedde nu prjesce e n'allegri.

Pe l'arie a mille a mille l'aceddre se ne vonne scecquanne a sconne a sconne ndra cante e zembenì.

Mo vene Masce: u siente, u siente cuss'addore? u gadde mo se nzore che la gaddina so.

U ssanghe neste ardente mo ferve e sale ngape; a Masce, pure l'ape se penze a mbriacà.

Scaldate da stu Sole chjine de lusce ardente, la cape u sendemente, Carmele, se ne và. Non si chiangenne chiù: avaste mo u chiante: è Masce e nù nu cante candame tutte e dù.

Mo vene Masce: u vite tu come arrive bedde? Te mette pedda pedde nu prjesce e n'allegri. IV.





A VRESPE

Come se strenge u core acchiamendanne u mare a l'ore c'au marnare ascenne a pezzecà;

acquanne drete a Specchie u vrespe, chiane chiane, se stenne e va lendane la lusce a termendà;

a l'ore ca se tenge de fueche San Catalde, quanne sparessce u ccalde nand'a l'Avemmari.

A june a june tanne, le pene e le delure, le larme e le pendure te pare de sendì.

AU MARNARE

La varche te porte lendane, e appriesse te vene stu core: u mare iè granne, iè gnore, ma u bene iè granne de chiù.

Pe mè, pe cambarme la vite, tu curre la schume d'u mare; ji, totta düende e amare, stanotte te stoche a chiamà.

Stanotte me senghe na smanie ca done a la vite u martirie; me senghe nu brutte ndellirie, u ssanghe me senghe vegghià.

Non pozze stanotte sta sole: retierne delenta delente, ca sole, treuanne e schendente non pozze stanotte dermì.

VJENE CHE ME

U mare vasate d'au rasce d'argiente, c'u cante su liente nge mbite a vüà.

Stasere stu mare me pare nu ngante: me pare ca cante, ca mbite a sennà.

Ce viene, ji voche p'u mare mbenite, ca com'a la vite nge pote ngannà.

Ndramenze a la chiate, ndra tante sbiandore, nu, nzieme, d'amore petime parlà.

U mare arrecoghie d'amore u trascurse, e pare c'a ssurse s'u gnotte e se stà. Trascorre e nge disce nu sacche de cose, ca l'arie adderose se penze a pertà.

La varca jè vite, u mare è amore: nge manghe u delore, non zacce addò stà.

MENZ'A MARE

La varche se move e sciuue e camine; u core sta chjine d'amore pe te.

Assise a la puppe la schume tu uarde, la schume ca jarde de ragge pe nù.

U rime se jalze, s'abbasce, s'affonne, retorne, sprefonne, da fore mo stà.

Nu viente leggiere u mare accarezze, ji, totta delgezze, te senghe cantà.

Nu cante d'amore au mare tu disce, e apprjesse carrisce le pissce che te. U rime jè stanghe, la varche s'abbente, tu, bedde e chendente, trascurre che me.

M'abbrazze e me parle de pene e de svesse, nu pessce ca jesse nge vene a sendi!...

DESTINE

D'au bene abbandenate, na sere, nganne a mare, u core su amare all'acque abbandenò.

Scì spierte pe na notte u core mmenz'au mare ma pò, nu marenare c'u quenze u pezzecò.

E disse: ne so viste de pissce bianghé e russe; ma pissce com'a cusse, non agghie viste mà...

E non se n'addenò ca jere u core amate c'aveve spasemate pe jidde notte e dì.

Acquanne ascennì nderre a u queste de la porte ngondra a la mala sorte chendente u appennì. E sop'a chedda porte, cendrate com'a Criste da tutte quante viste u core spasemò.

U core ca nu tiembe felisce e tramendate, da tutte middïate, u marenare amò!...

AMORE ACHIUSE

De cusse ndellirrie ca tutte m'ardeve, ca pene me deve de notte e de di,

ma nudde sapieste. Nzagrete t'amabbe, chiangenne, vramabbe la påsce da te.

Spïabbe le passe, spïabbe la vosce, nu bene e na crosce tu fueste pe mè.

Au scure, de notte, sfüabbe u delore, preganne u Segnore de farme merì,

ma nudde deciebbe; tu nudde sapieste, necende facieste stu core seffri. Spesaste, e lendane parti te vediebbe, ma quante seffriebbe nesciune u sapi.

Mo, quanne, de notte, spengiute d'au core, au mare restore ji voche a cercà,

responne u resucchie che certe parole: non zacce ce vole, ma parle de te.

NDERRE A LA LANZE

A cquanne buene e megghie, nderre a la Lanze assise, te fasce chedda rise, me senghe de chietrà.

D'u mare tiene tutte: la ragge e la benazze; sì bbedde, ma strapazze che chedda risa to.

Ce jacchie la riome o mène la berrine, de notte o de matine ji veche sembe a tè.

De notte, sott'a ciele me pare d'attecquarte, credenne de vasarte me senghe de meri.

U rime acquanne ascenne me parle de te sole; u viende me chenzole, me disce u nome tu. La scorfue ponge, è vere, e lasse nu delore, ma come ponge amore u sape sule Di!

O ci petesse a tè pegghiarte jind'a la rezze, vattrove ci prescezze nascesse mbiette a me!

Da tutte le marnare avesse u viva vive; vïate a ci t'arrive a pezzecarte a tè!...

LARME SCETTATE

Tu, mare prefunne, u sagrete te tiene d'u bene perdute, ca dorme pe sembe aschennute, pe sembe abbrazzate che te.

Dimmiuue tu, mare prefunne, de morte e de regghie cudd'âsce: dimmiuue, dò rose de Mâsce, na Crosce nge vogghie pertà!

Si mute tu, mare prefunne, sì granne, sì troppe sagrete, sì mute, ndramendre me puete nu picche de chiate ndená!

E pure, spengiute d'au core, ji venghe de notte a sfeuarme, tu mbèsce le dogghie e le larme, te pigghie e le miscke che tè.

A DESPIETTE

Acquanne tu me cante de despiette chendente se demostre u core mi; ji sacce tu ci tiene achiuse mbiette, ji sacce ca tu siente gilosì.

Cante, cante, cante a lariuli, cante, cante, cante a lariulà, u cante non me pote ndespetti, camine sop'au mare u ninne mi!

V.





AMORE PECCENUNNE

Te vogghie bene quante tu non crite;
percè non m'acchiamiente core mi?
me vite uagnongiedde? percè rite?
non pienze ca te vogghie bene assà?
Ce so nu uagnongiedde,
la passione è forte:
ji senghe u coreciedde
ca sbatte e penze a tè.

Ji voche sule sule sesperanne; ce ccose ne sa tu d'u core mi? amore è forte, e ci so picche l'anne, u ssanghe ji m'u senghe de vegghià.

U coreciedde mbiette me fàsce tuppe e tuppe acquanne tu m'aspiette pe farme desperà. Ci iosce ji so' come a perceniedde e tu, amore mì, sì peddastredde, c'u tiembe tu gaddine e ji gardiedde, avime, ce Dì vole, addeventà.

> E stanne da vecine, nù sembe n'am'amà, de notte e de matine n'avime a pizzuà.

MENZ'AU GRANE

Ji stoche a tagghià l'erve e tu sta mite u grane: e pure da lendane te senghe de cantà.

> Mio bene amante pe mè je cudde cante: te vogghie bene e tante ca bene no nge stà!

Seldate si n'è sciute u bene mì amante, e ji ndra larme e chiante me stoche a chenzemà.

Anema mì acquanne ha da menì? che cusse malesì, non pozze chiù cambà!...

C'u Masce c'ha nasciute, la fave ha fatte gnore: u bene dorme angore, e non se vole alzà.

> Alène alène ci me velieve bene tu non me dieve pene chemborme me le dàl...

U grane c'ha matrate u ninne mi sta ccogghie: la spiche u acchemmogghie u ninne bedde mi.

> U sì e lì no me fa chiù seffrì; te diebbe u core mì e tu dammiuue a me!...

LEC

Leci,

percè tiene tu l'anema bedde?

percè passe scettanne u chemborte?

percè bone te fesce la sorte?

non petieve non nassce Lecì?

Lecì!

Tu passe e sespire,

e appriesse te tire

nu core che te.

Leci,

tutt'amore chidd'ecchie de vrasce sò chiù lustre d'u sole e d'u lambe, pe sta vite sò lusce, sò vambe l'ecchie gnore ca tiene, Lecì. Lecì! sì sole c'abbrusce; u core se strusce d'amore pe te. Leci,

quanne passe tu bedde e necende
e me uarde, e sespire, e te uelde,
jind'au core me mitte u reuelde,
m'attermiente, m'accite Lecl!
Lecl
sì com'a Sirene,
tu ngande, e le pene
uardanne me dà!

CANZONE

Canzon' andiche andiche:
amore è na bescì.
Chiù biunde de na spiche
teneve le capidde:
ji la vediebbe e mbiette
u core me sendiebbe sbatte forte:
ji nge cercabbe amore
e jedde disse: « sì, fing'a la morte ».

Canzona despettose;
u bene tant'ardente
angappe a ngualche cose
c'au fasce desdenguà.
Che na vrenetta nziste,
pe falle nu despiette ji scecquabbe,
ma mbacce a cudde fueche
u core, pe sfertune, m'abbresciabbe!...

Canzona appassionate:

pe corre a la vendure
lassabbe u bene amate
e pure la vrenette!

Ternabbe pe la strate
addove u bene andiche ji lassabbe;
chiangiebbe na nettate,
ma u bene de na volte non acchiabbe.

Canzona mè assute
d'au core mì düende,
au bene mì tradute
trascurre tu pe me:
e dinge ca pendite
nu core va chiangenne e sfilamanne,
ca sembe, dì e notte,
u bene abbandenate va vramanne.

SOP'A L'ERE

« È iosce nguedd'au viente te mannabbe nu sacche de sespire e tu l'avieste: sendènnete cantà, pur'ji candabbe: u bene mì, le pene ca sapieste ji iosce, nguedd'au viente, te mannabbe ».

Cante la vosce e pare nu lamiente; e l'alde nge responne da lendane: « Sì viste quanta cose fasce u viente? te leve le sespire, annette u grane... » Cante la vosce e pare nu lamiente!

E vene Vrespe mmenz'a le cambane, e disce n'alda vosce: « alène alène, u zite mì jè biunde com'au ggrane, me fasce chiange e ji nge vogghie bene ». E vene Vrespe mmenz'a le cambane.

" E Padre non è chesse la carrare, e manghe chesse jè la vl de l'êre »; mo cante u Trezzarule e l'aria chiare responne e disce a l'arie de la sere: « E Padre non è chesse la carrare! »

PENDEMENTE

T'acchiabbe quanne mene m'u penzave e te crediebbe bone e vertelose: tu mbesce, Margarite, sì na cose ca pare nate apposte pe dannà.

La vita mè scherreve abbalde e sole chemborme l'acque scorre a la pennende; spengiute d'au amore ca non sende, pe corre appriesse a tè s'arreuenò.

Tu mbesce pe la vite d'esse lusce ca mostre la carrara a ci camine, tu fueste la svendure e la reuine, tu fueste malagurie e malesi.

U core, u core, u core, u core è nu termende viate a ci non sende la vosce a mbama so.

SGRATE!

Si fatte pe tant'anne la farenue p'avè, dicieve tu, na chiata sante: sì viste tanta pene e tanta chiante, mo, lasse tutte cose, e te ne va!...

> Nu core chiine d'amore ardente non z'attermente adacchesi.

Tu scieve tremeuanne e friddeluse e ji te diebbe u ffueche de la vite: mo, mbene ngaldesciute, allasse u nite, me lasse nghiante mane e... te ne và!...

> La lendananze ce te sfreddessce, tu, pe ngaldessce, ritierne a me.

Ce fosse tanta forte de scherdarte pe quante è vere Dì ca te lassasse: ma ji so tanta debble ca nu passe non pozze smove chiù senza de te!...

> Ma tu sì mbame, tu m'attermiente, tu non la siente la pena me.

SERENATE

Ndramendre tu dierme — nu senne chendente, nu cante d'amore — te stoche a cantà; na stedde d'au ciele — me uarde e sta ssente u cante d'amore — cantate pe te.

> Tu dierme e sta sienne de bene na vite, d'amore nu nite, nu ninne a cantà.

Nu gridde sta ccante — nu cante a despiette; ji mbesce te digghe — nu cante d'amore; sta vosce, sta vita — ca m'esse d'au piette jè cante d'amore — cantate pe tè.

> Tu dierme e sta sienne de chiate na case, d'amore nu vase nu ninne a cantà.

Je tutte sprefume — sta notte de Masce; la lune p'u ciele — se mostre e schembare; ndramenze a l'addure — ndramenze a le rasce nu cante d'amore — te stoche a cantà.

> Tu dierme e sta sienne de rose na ceste, de zite na veste nu ninne a cantà.

STATTE BONE!

Sì ditte ca pe fforze uè fernessce:
u stesse ji ti digghe, e... stame pasce;
au munne tutte vene pe sparessce,
amore pure nassce pe merì.
Despitte me facieste e te faciebbe,
ie vase ca me dieste te le diebbe!
U munne è tanta granne
e chijne de uagnedde:
na jaida menetedde
me vogghie mo capà.

Na jaida menetedde tutte core, che l'ecchie de sajette tutte vrasce, che le capidde rizze e gnore gnore, na nenna chengrëate pe ngandà.

Sti cose te le digghe, tiene mende, pe disce e non pe farte mangamende.

Tu sì nu picche corte:

mo jalde l'agghi' acchià,
de tè chiù mazze assà,
chiù megghie assà di tè!

Tu pò non te ne stanne e tiene mende a qualche uagnongiedde 'mben' assute: fangille la mascìne e statt' attende de fauue cosce buene appricsse a te. Fa cunde ca tu sì nu rinnenjedde e rennenedde è mbesce u uagnongiedde: Mo... statte bone... addì salute, Marteredde... na jalda menetedde me vogghie mo capà!

LA ROSE D'OGNE MESE

Sò chiandate jind'au ciardine la rosedde d'ogne mese: me la voche, ogne matine, senza mene a jadacquà.

Jadacquanne jadacquanne
ji nge diche sesperanne:
Rosa bedde,
tu d'u bene
tiene u nome
Rosa mè!

Ce lendane è sciute u bene non treuescke tanta tante: a la rose chisse pene voche mbrime a chemmetà.

U amore è nu ciardine: tene rose e tene spine. Com'au bene, rise e larme rosa bedde tiene tu! Ogne mese appassuesce pò chemmenze a farse gialle s'amaressce, ndesechesce, fronza fronze se ne và.

> Tanne vene u malesi, tanne chiange u core mi. Senza Rose, senza te

ji me senghe de merì.

DESPIETTE

Arie de Lugghie:
ajere m'ambarabbe
nu cante appassionate
a ci u avev'a dà no ngi u ndenabbe;
mo u ndenescke a te
arie de Lugghie.

Aria gendile:
au ciele mbalzamate
tu diuue u cante mi:
au mare granne, au mare mi amate
dingiuue cusse cante
aria gendile.

Aria d'amore:
ci jacchie pe la strate
na nenna berafatte,
a nome mì tu fange na candate
e dinge u nome mì
aria d'amore.

Aria de Lugghie:
potesse ca passanne
da la fenesta sò
la vite sola sola sesperanne:
non zì candanne, nò,
aria de Lugghie.

BEDDE E SEPERVE

Ji non zacce u Terne Paddre come fesce a farla bedde, menz'a tutte le uagnedde tu la vite de lambrà: ce trascorre te ngandèsce: tene dolge la parole ma la lengue ponge e dole!

Non è giuste ca se donne tutte a june — certe dune: jedde accocchie, jedde adune l'arie, u sole e l'armeni: ce te uarde te schemmove; tene l'ecchie gnore gnore faccia bedde e brutte core!

Totta chiene de seperve passe drette e non te uarde tu chiamjende e siende jarde de termende u core tu. Ci te rite t'attermende tene u musse nzecquarate: 'mar'a te ce t'ha vasate.

MOSQUE... VATTINNE!

Ce tu sieffre e ji non senghe, non è certe nu delitte: non è fatte, non è ditte ca pe fforze t'agghi'amà.

> Te so' ditte nonzignore: tu te uelde e cierche amore.

Tu me pare na zambane ca skamanne n'attermende: a stu core ca non sende tu pe forze uè parlà.

U amore, tu me ndiende, non potesse ma' de june, percè nderre ma' nesciune sule sule pot'amà.

> Ma tu mbesce sì de pète, ji te cacce... e tjern'arrete!

Ci teneve simbatl t'u deceve a tiembe giuste: ji non agghie nudde guste de vederte sesperà!... M'annecieste a l'alda notte chedd'andica serenate: ji ca steve discetate te sendiebbe spasemà.

> Quanne u mmegghie se ne venne, probbie tanne acchiabbe u senne.

Ce sendeve ngualche cose, ji u senne non acchiave, ma addelente m'affacciave pe menirte a chenzeuà!...

ST SKATTOSE!

Te uarde da tre mise e non me uarde; te cerche da tre mise e non me siende: d'amore da tre mise stoc'a jarde, d'amore stoc'a jarde e de termiende.

> Amore fueche e neve, amore neve e fueche, amore non è sceche, ji stoche a ndesecà!

È nate d'aterze primavere: ma mbiette a tè jè vierne fridde e scure; u core mi sta ssoffre e se despere, ma tu o non u siende o non u cure:

> Amore chiante e rise: amore rise e chiante, amore, amore sante, amore addove sta?

Non zacce pe ce cose non me tratte tu come disce e vole u cure mi; non zacce pe ce cose me maldratte, percè m'avvelenisce notte e di!

> Amore rose e spine amore spine e rose, si bedde e si skattose, tu fasce ndesecà.

VELESSE CANTÀ

Velesse ji candarte na canzone pe dirte quanta vase t'agghie date, ma le parole mè, chemborme a spate havonne a trapassà u core tu:

> Ma cusse calascione ca dorme da tant'anne, la vosce sesperanne non zape acchembagnà:

e pure, Taratè, velesse ji cantà!

Ji na canzona nove a tè cantarte velesse: na canzone senz'amore, e dirte certe cose c'au ressore la facce ca tu tiene hav'a tagghià.

> Ma cusse calascione la mana mè non zente: u attocche e mbrime abbente non zape acchembagnà:

e pure, Taratè, velesse ji cantà!

Ce cusse calascione la canzone ca tenghe preparate acchembagnasse, u core ca tu tiene termendasse p'u guste de vederue ndesecà:

> ma cusse calascione non zente la chiamate: non zente la tecquate non vole acchembagnà:

e pure, Taratè, velesse ji cantà!

CANZONA TERMENDOSE

Vocche de rose mè, vocche de rose: percè nascieste bedde e tanta laddre? Te fesce giust'apposte u Terne Paddre pe dà sellieve au core o pe dannà?

> Me pare scegghie a mattetine; ma pare spine ca ponge assà!

Facce de mela mè, facce de mele: percè te mange tu le cielze russe? Veliesse fa chiù bedde cudde musse ca tiene tu p'accite e pe vasà?

> me pare vrespe ca vase e ponge, ca ne chengionge u malesì.

Ecchie de scesciua mè, ecchie de scesciue: percè me fasce semme u pizzue a rise? sì nate tu viāte mbaravise, percè mi viene nderre a termendà?

> Me pare l'ombre ca fusce nante, pe mè iè chiante la risa to!

U SCRAPICCE

Fu scrapicce?

Non u sacce, a disce u giuste, quanne fu ca te vediebbe, pe ce cose, pe ce guste tanta bene te veliebbe.
Fu scrapicce?
non me pente:
tutte core e sendemente
ji meniebbe appriesse a te.

Fu scrapicce?

Non u sacce: l'ecchie gnore me uardorne e... te uardabbe: ngatenaste cusse core, me vasaste e... te vasabbe. Fu scrapricce? non u ccrete: tott'amore e totta fete ji meniebbe appriesse a te.

Fu scrapicce?

non u sacce: mo te tenghe
pe megghiere jnd'a case:
mo te veche, mo te senghe
ndra la rise e ndra le vase:
Fu scrapicce?
me, ce fasce
totta bene e totta pasce
mo te tenghe appriesse a me.

AMARE A TE!

A mare a me? Amare a tè palomme ca sule pe despiette me lassaste: amare a tè, le scidde t'abbresciaste, mo sieffre e va sbattenne dò e dà.

Amore è na catene, amore è nu martirie amore è nu ndellirie ca fasce gnetecà.

Amare a me? Amare a tè palomme: scecquaste c'u amore e te perdieste: mo niche tu le vase ca me dieste, mo niche, ma non puete tu scherdà.

Non puete no, non puete scherdà u bene mì, la rise e l'allegrì non puete tu scherdà. Amare a me? Amare a tè palomme: u core jè teranne e tu non sfusce: tu tiene na pendure ca t'abbrusce, non puete sola sole tu cambà.

> Se scalde la palomme ma gire atturne au tubbe tu sieffre, te destrubbe ma gire atturne a me!

U TERNE

Na volte t'acchiabbe da nande: la sorte angarrabbe, vengiebbe, gnersì, percè mbrime t'aviebbe pe pene e gastighe pe me.

> Quant'è mbame la fertune! non peteve pe n'aldune chedda sorte destenà?

Da tanne na vite de mbierne cambabbe dò nderre e nudd'alde; da nziste, taddute e abbalde, na mazze ternabbe pe te.

> Ca vengiebbe ce me vale? me scequabbe u capetale e mo stoche a ndesecà.

Mo n'ambe si ditte ca vinge p'u fatte d'averme lassate: tu sgarre: nu terne serrate sò ji ca u stoche a pigghià.

> T'agghie perse? so vingiute! sole tu mo si perdute, brutta falze e negasdè.

VIDDUE

Premmesse? josce e quante vole Di! salute a nù, Geditte se n'ha sciute, pe darte chessa nove sò menute Taresa bedda me!

Tre di sò male e bene, la dogghie se n'ha sciute; u guste m'ha menute mo de spesarme a te!


Tarese, di u giuste, tiene u musse percè non te spesabbe? jà rascione: tenieve tu pe me na passione ardieve tu pe me!

> Mo non penzame chiù: tu pure te spesaste, tu pure vidduaste Taresa bedda me!

O mene, Taresedde berafatte percè me fasce mo la chendegnose? auuande la golliere: pe ce cose nu vase no me dà?

> A dorme sule sule, c'u ffridde no ngè guste: è Marze, non è giuste ca stam'a tremeuù!







Abbassce - abbassa abbalde - baldo abbegnate - satollo abbente - ferma abbisse - abisso abbogge - poggia abbrescià - bruciare abbresciaste - bruciasti abbresciave - bruciava abbuegge - poggi acceramà - adescare acchemmogghie - ricopre acchenzendì - accondiscendere acchiabbe - trovai acchiamente - guarda acchiasse - troverei acchiatate - acchetato acchiesciute - acchetato acchiò - trovò acciaffà - afferrare acciaffe - afferra accise - ucciso accocchie - unisce aceddre - uccelli achiuse - chiuso acquagghie - rugiada acquanne - quando acsì - così adacquò - innassiò addelenguate - allungato addelente - subito addemanghe - domando addenà - accorgersi

addore - profumo addove - dove ademeresce - ritarda ademerisce - ritardi adune - t'accorgi adune - raccoglie affunne - profondo aggemendanne - tormentando agevelezze - agevolazioni agghie - ho, dovrò agnute - riempito aguste - agosto ajere - jeri alane - boyaro aldune - altro allasse - lascia, consenti allassò - lasciò alzà - levare amafauanne - l'anno scorso amare - povero, triste amaresce - intristisce ammene - soffia ammagagnate - baramogio ammiddià - invidiare amminde - dedicati anema - anima angappe - incappa angarrabbe - indovinai angenecchiate - inginocchiato angiue - angelo angore - ancora annette - pulisce, monda antrasatte - all'improvviso

ape - ape appassionate - mesti appassuate - passionali appasuesce - appassisce appecciò - accese appennì - appese appezzecà - incollare appizze - protendi appriesse - vicino apprime - prima arate - aratro ardè - ardere ariedde - arietta armeni - armonia arrechegghì - raccolse arrechenate - ricoverato arrepezzanne - rammendando arrete - di nuovo arrevegghiate - ravvolta arrezzecà - rabbrividire arripe - conserva arue - alberi asce - posto ascenne - scendere aschenni - nascose asiste - esisti assà - assai assise - seduta attecquarte - toccarti au - al auuande - prendi avonne - hanno avvelenisce - avveleni azziette - confermi

Bambà - bruciare bardassce - ragazza basiglie - basilico bave - soffio bavette - arietta bbò - boja beccuni - boccuni benazze - bonaccia berafatte - bella berrine - bora besci - bugia besciarde - bugiardo botte - colpo bracciere - braccetto buenanne - buon anno buenni - buondi

Ca - che calascione - chitarra caldare - caldajo calduà - riscaldare calvarie - calvario cambà - vivere canussce - conosci cange - cambia capà - scegliere capidde - capelli carizze - carezze carrare - solco carrisce - trascini carvone - carbone caste - casa tua cchià - trovare ccogghie - cogliere ce - come, che, se cecabbe - accecai cecate - cieco cendrate - inchiodato ceppone - ceppo cerase - ciliegia cere - cera chedda - quella chegghime - cogliamo chelqua - coricare chelure - colori chembari - sembrare chembennieste - componesti chemborme - conforme chembortarse - confortarsi

chemborte - conforto cheminende - convento chemmetà - confidare chendabbe - contai chendate - raccontata chendegnose - ritrosa chengreate - concepita chengionge - comunica chenzagrà - consacrare cherodda - carina chengosce - abbrustolire chenzemà - consumare chenzeua - consolare chenzole - consola chesceve - scottava chesute - cucito chetugne - cotogna chezzale - contadino chiandà - piantare chiande - pianta chiange - piange, piangere chiante - pianto (sostantivo) chiate - quiete chidde - quelli, quelle chiesiodde - chiesetta chietrà - ghiacciare chiù - più ci - se ciaramà - adescare ciardine - giardino cielze - gelso ciente - cento ciumme - gobba colte - raccolto coreciedde - cuoricino corte - bassa cosce - cuocere crà - domani crediebbe - credetti crenziebbe - ritenni crete - credo

criepe - crepi

crosce - croce
crodele - crudele
c'u - col, con il
cudde - quel
cuedde - collo
cuerpe - corpo
cunde - conto
cusse - questo

D'addò - donde, di dove ddò - qui debble - debole deh - oh delente - subito delgezze - dolcezza dellebbrà - liberare dellibbre - liberazione depiende - penti desartore - disertore descacce - scacci desdegnate - sdegnosa desdenguà - avvelenare despiette - dispetto destrebbate - disturbata destrubbe - disturbi diaterze - tre giorni fa dierme - dormi digghie - possa disce - dici diuue - dillo dogghe - do dogghie - dolore, doglia donne - dieno, danno doppe - poscia duende - dolente dune - doni

Ecchie - occhi egne - riempie ere - aja erve - erba erve de viente - parietaria esche - esco

Facce - faccia facieste - facesti fange - falle fanugghie - loppa fauue - farlo farenne - falena fasce - fai fascidde - favilla fave - fiche favugne - favonio l'eccange - piantarle fequore - ardore fendane - fontana fenge - finge, fingere fertune - fortuna ferve - ribollire fesce - fece fete - fede fodde - affollamento frate - fratello freddeluse - freddoloso frennequà - farneticare frenzute - fronzuti fronze - foglie fuebbe - fui fueche - fuoco fuesse · fossi fueste - fosti fulge - buggeri fusce - corri fuse - fuso

Gadde - gallo gaddine - gallina gagge - gabbia galiote - galeotto gardiedde - galletto Geditte - Giuditta gemendà - tormentare geniose - simpatica gevendute - gioventù ghedè - godimento gilosì - gelosia gilzimmine - gelsomino gnerà - ignorare gnernò - nossignore gnereì - sissignore gnetecì - intisichire gnore - nero gnotte - ingoja gocce - stilla, sincope golliere - collana gridde - grillo

Jabbre - apri
jacchie - trovi, trova
jadacqua - innaffiare
jalde - alto, alta
jarde - ardere
jarse - arsa
jazze - cuccia
jedde - essa
jegne - empie
jerve - erba
jesse - esce
ji - io
jind'e fore - trafigge
jonze - oncia
josce - oggi

Lacerte - lucertola lambe - lampo lambrà - splendere lamiende - lamento lanze - lancia larme - lacrime lasse - lascia, lasci lastre, vetri leche - podere Lecì - Lucia
lengue - lingua
leve - lieve
levaste - toglieste
lità - età
loggette - davanzale
longhesì - lontanosia
lugghie - luglio
lusce - luce, splendere
lustre - lucente

Mà - mai macedda - scannare maddre-chiessie - Chiesa madre maguere - megera mairane - majorana malagurie - cattivo augurio malalengue - malalingua malanghenì - malinconia maldette - maledetta malerate - malridotto malesì - malessere mangamente - torto manghe - neanche mannaste - mandasti manne - mandi mar'a tè - povero te marnare - marinaio Marteredde - Marta masce - maggio mascesce - fa maggese mascine - magia Matalene - Maddalena matrate - maturato mattetine - mattutino mazze - magro mba - compare mbacce - vicino mbacce d'acque - d'improvviso mbame - infame mbequate - infocato

mbesce - invece mbierne - inferno mbiette - in petto inhite - invita inbodde - piaga mbonde - in fondo mbosse - bagnata mbrazze - nelle braccia mbrime - subito meddiate - invidiato melarose - melarosata meledde - mela memente - momento memiente - momenti menazze - minaccia mendrone - mucchio mende - pensiero menetedde - piccolina menute - venuto menzadì - mezzogiorno mertedde - mortella mesckà - mescolare mesquone - moscone metette - proverbio mettenne - mettere mettennese - mettendosi mezzequate - morsicato m'ha - m'hai mì - mio mienze - metà mire - specchia miscke - mischi mise - mesi mite - mietere mmegghie - essenziale mmete - mietere mmiddie - invidia mo - ora moneche - monaca morre - branco mosque - mosca m'u - me lo

muere - muori musse - muso

Na - una n'acchembagne - ci accompagna n'alda - un'altra n'ambe - un ambo nande - avanti napparule - pettirosso n'arrecorde - ci ricorda nascesse - spunterebbe nasciute - nato navecarse - cultarsi n'avime - dobbiamo ndellirie - delirio ndenà - donare nderre - in terra ndesecà - attossicare ndesequisce - attossichi ndorate - dorati ndra - fra ndragge - ostacolo ndrone - in trono ndutte - a fatto necende - innocente negasdè - negasdeo negghic - nebbia nenne - bimba ngaldessce - riscaldare ngandà - incantare ngannà - ingannare nganne - in riva ngante - incanto ngape - in testa ngaramisce - affascini ngarte - avvolgi ngatenate - incatenato ngè - c'è ngherrenne - rapido nghiante - in pianta ngondre - contro

ngrate - ingrata ngrengefisse - in croce nguedde - addosso nì - nė niche - neghi ninne - ragazzo nite - nido nocende - innocente nove - nuova nu - uno nů - noi nudde - niente, nessuno nusce - noci nuvvue - nuvola nzagne - salassando nzagrete - in segreto nzallende - si allenta nzanguenate - insanguinato nzecquarate - zucclierato nzecte - sete nzertate - concatenato nziddie - insidia nzieme - assieme nziste - mirabile nzore - sposa nzuste - a noja

Obbre - teatro ogne - ogni omenze - mezzo

Palomme - farfalla
palumme - colombo
parè - sembrare
pasceve - alimentava
patrone - padrona
peccenonne - piccola
pecondrì - ipocondria
pedde - pelle
peddastredde - pollastra
pedone - pedone

pegghiate - preso peggre - pecorella pelastre - pilastro pendure - puntura penente - ponente pengeture - punture pengiute - punto penne - penna pennente - pendenza penzanne - pensando penzuse - pensoso percè - perchè perceniedde - pulcino perdieste - perdesti periggue - pericoli pertave - portavi pesure - poggiuolo pete - piede, pietra petesse - potessi petime - possiamo pettagare - bottegaja pettiate - pittata pettuere - pettegola pezzecà - pescare pezzinghe - persino pezzute - aguzzo picche - poco pigghie - prendi pissce - pesci pizzuà - beccare pizzue a rise - sorriso pò - poi podene - possono polve - polvere pondine - merletto ponge - punge poppavi - poppavia pozze - possa, posso premmesse - permesso prescezze - gioja probbrie - proprio p'u - per il

puete - puoi puppe - poppa purì - perire

Quadre gnore - guajo quenze - lenza querve - corvo queste - interesse

Kagge - rabbia ramagghie - ramo rasce - raggi rebbutte - maltrattamenti recherdà - ricordare recogghie - accumula redduà - rotolare regghie - requie, quiete rembacce - rinfaccio renneniedde - rondine repudde - germoglio respiette - rispetto restore - ristoro restrutte - consunto resucchie - risucchio reuelde - rivolta reuine - rovina ressore - rossore rezze - rete ricchià - acchetare rime - remo riome - arietta rizze - ricci rodde - aiuola rosedde - rosellina rotte - spuntata rrubbe - ruba ruffe - vortice rusce - brontolio rute - aruta

Sacce - so sacche - sacco s'acchie - si trova sajette - saetta saliebbe - salii sandate - salute sapieste - sapesti sbannite - bandito sbattesse - pulsasse sbrevegnate - svergognate scagghie - scaglie scalde - riscalda scanzarte - scansarti scapeddate - discinta scecche - butto sceche - gioco scecquà - giocare scegghià - germogliate scegghie - giglio, germoglio scerà - fidanzare sceratione - andartene scernate - giornate scesciue - giuggiola scesse - andai schicchià - disgiungere schembite - sconfida schemmove - sconvolge schendà - scontare schengegnate - sgangherato schenzeuarme - distogliermi scherà - oscurarsi scherdà - dimenticare scherrenne - correndo scherreve - procedeva schrepiebbe - scopersi sciangate - sciancato scidde - ali sciebbe - andai science - butti scioggue - gioco sciugne - giugno sciute - andato

sciuue - scivola sckamà - abbaiare schattarule - papavero sckatte - scocco schattose - dispettosa sckenzeuate - sconsolato schume - schiuma scobbre - scopre sconn'a sconne - rimpiattino sconge - turba scorde - dimentica scorfue - scorfano scrapicce - capriccio sdevacà - vuotare sè - sei seccete - succede seffrute - sofferti segghiutte - singhiozzo seldate - soldato sembe - sempre semenanne - seminando semente - sementa sendennete - sentendoti sene - suono senna - sognare senne - sonno seperbe - superbia, superbo serchiasse - fiatassi serdelline - fischio serrate - secco sesperate - desiderato sestiene - sostieni seta - granato settile - sottile sfilamanne - disperandosi sfreddessce - raffreddare sfua - sfogare sfusce - sfugge sgarrà - errare sgarrasse - socchiudi si - sci sienne - sogni

sime - siamo singere - sincero so - sono sò - sua, suo, sue sorte - destino sote - tranquillo spabbrescià - razzolare spacche - fenditura sparagne - risparmio sparessce - scompare spartute - diviso spasemà - spasimare spasemante - piangente spate - spada Specchie - Specchio (è una contrada) spenge - spingere sperte - raminga spezzecà - staccare spiche - spiga spierte - ramingo spogghie - larva sprefume - profumi spunde - cantonata squagghie - squaglia squartiate - a brandelli stamatine - stamane sta - stare state - està stedde - stella stefate - annojato stepate - conservato stetà - smorzare stonne - stanno stracque - stracco straduente - dolentissimo strazzaste - lacerasti strene - strenna strusce - consumare succhie - alito sulche - solco sule - solo

surse - sorso svesse - sofferenze Taccre - buccoli taddute - forte tagghià - tagliare tanne - allora tantazione - tentazione Taraté - Dorotea tecquate - toccata tecque - tocco tembieste - tempeste tenge - colora tenieve - sostenevi teranne - tiranno terli - occhione termendà - tormentare ternabbe - divenni ternanne - ritornando tessenne - tessendo teste - duro tezzone - tizzo tezzue - busso tira-tire - magia tonne - tonda totte - tutta tracchiere - pettegola tramendate - passato tramote - terremoto trapassà - trafiggere trascherrenne - parlando trascorre - parlare trascurse - discorso trase - entri trate - tirate tremeuà - tremare treuanne - tribolando trenguò - troncò treuescke - tribolo trevugghie - turba

trezzarule - chi guida i cavalli

sull'aja

tubbe - tubo, lume tuppe - busso

U - il, lo
ua - guai
uagnedde - ragazze
uagnongiedde - ragazzetto
uarda - guardare
uardate - sguardo
uascezze - agiatezza
ue - vuoi
uelde - volti
uere - aria
uite - guida
uore - oro

Va - vai
vammasce - bambagia
vanne - lato
varche - barca
vase - baci
vattinne - vattene
vattrove - chi sa dove
veche - vedo
vegghià - bollire
velesse - vorrei
vendure - ventura, sorte
vene - viene
vense - venne
verdone - verdone
vertelose - virtuosa

vestute - vestito vedduaste - vedovasti viddue - vedovo viente - vento vierne - inverno vinge - vinci vinne - vendi viva-vive - applauso vocche - bocca voche - vado vogghie - voglio volde - volta vole - vuole vramà - bramare, gridare vrasce - bragia vrazze - braccia vrenette - bruna vuà - vogare, volare vugghie - bollore vumere - vomero vusce - voci vusche - bosco vrespe - vespa, vespero

Zacce - so
zambane - zanzara
zambogne - zampogna
zapeve - sapevo
zembanne - saltando
zengre - zingara
zoledde - orciuolo
zombe - salta

INDICE



	1.						A la morte pag.	42
F vinga1							Rose	43
E vinge tul U bene tul.	٠	٠	•	٠	pag.	_	II and a	45
						10	Facce de seta rosse »	46
Vase singere	•	۰	•	٠	19	11		40
E dierme ange	orc	۰	٠	٠	T)	12	279	
Malangheni .	٠	٠	-	٠	.19	13	III.	
Preghiere .	٠	٠	•	٠	D	14	Lasse e pigghie »	
Ma dimme	٠	٠	٠	٠	36	15	Dan sinud - I	49
Ngrate!			٠		35	16	Mharan C. I.	51
Ndellirie	٠			۰	10	17	Moacce au rueche »	53
Retratte			٠		36	18	Le fiure	54
Maldette				۰	.00	10	Catene	55
Notte de lune					ш	20	La zengre	57
Fronza de rute					ы	21	Core d'amante »	59
Masce						23		60
Alba varese						24	Cantata malandrine	61
A la neve .					Ji-	25	Falze!	63
A te					ь	26	Tutte cange! »	65
Pe me si mort						-		66
Amore amore						27 28	Stanghezze	67
Moneche							-	ΰg
La state se n' ha				٠	19	20	17	71
ra state se il ili	1 50	:Iu	te.	• •	.10	30	Abbandenate	73
							Tantazione	75
	11.						E torn'a menì	76
A la mainme					ы	33	So penzate a te »	77
U vase					39	34	Criepe!	
Sciugne		•	•	•			Manage	79
Lamiente .						35. 36		81
La matte .								83
Notte de vierne						37	Viecchie!	85
La chiesiodde	0	٠	•	•		38	U viente	87
						39		89
Aguste					D	41	Gilosi	OI

180 INDICE

U vecchie amore pag. 93 V.	
0 1000000	
Amore mi » 95	
Viene!	
Vita nove » QQ	35
A la tendane # IUI	37
Core chietrate	30
U cante d'u pastore . » 105 Sop'a l'ere » 1.	41
Singerità Pendemente	42
Senza core	43
	44
Statte hone!	45
Carmela	47
Despiette	49
IV. Bedde e seperve » 1	51
	52
	54
	55
	157
,	158
	160
	162
J C turne	163
Larine scettate » 129	3
	165



